

**334**

Na osnovu člana 124. stav 3. tačka d. Zakona o policijskim službenicima Zeničko-dobojskog kantona (Sl. novine ZE-DO kantona br. 8/06) Policijski odbor za policijske službenike Zeničko-dobojskog kantona donosi

**P O S L O V N I K  
O RADU POLICIJSKOG ODBORA ZA  
POLICIJSKE SLUŽBENIKE MINISTARSTVA  
UNUTRAŠNJIH POSLOVA  
ZENIČKO-DOBOJSKOG KANTONA**

**I - OPĆE ODREDBE****Član 1.**

Ovim Poslovnikom uređuju se pravila, uloga, način rada i odlučivanja kao i druga pitanja koja se tiču rada Policijskog odbora za policijske službenike Ministarstva unutrašnjih poslova Zeničko-dobojskog kantona (u daljem tekstu: Policijski odbor).

**Član 2.**

Sjednice Policijskog odbora održavaće se u Zenici u prostorijama Ministarstva unutrašnjih poslova, a u iznimnim situacijama mogu se održati i u nekoj od prostorija organizacionih jedinica Ministarstva.

**Član 3.**

Sredstva za rad i sve druge uvjete, uključujući prostorije, kancelarijski namještaj, opremu i uređaje, kao i kancelarijski materijal osiguraće Ministarstvo unutrašnjih poslova Zeničko-dobojskog kantona.

**Član 4.**

Poslove administrativno tehničke prirode, a koji se odnose isključivo na rad Policijskog odbora obavljat će administrativno tehničko lice iz reda uposlenih namještenika u Ministarstvu unutrašnjih poslova, uz posebnu novčanu naknadu.

Naknadu iz prethodnog stava u paušalnom mjesečnom iznosu utvrdit će Vlada Zeničko-dobojskog kantona na usaglašen prijedlog Ministra unutrašnjih poslova i Ministra finansija.

**Član 5.**

Policijski odbor ima pečat i druga obilježja u skladu sa važećim propisima.

Pečat je okruglog oblika promjera 50 mm, oivičen sa dvije kružnice.

Ispod unutrašnje kružnice je tekst: Bosna i Hercegovina, Federacija Bosne i Hercegovine, Zeničko-dobojski kanton, Vlada, Policijski odbor, a u sredini pečata nalazi se grb kantona.

**II - ULOGA****Član 6.**

U ostvarivanju svoje uloge Policijski odbor će postupati u skladu sa nadležnostima utvrđenim u članu 124. stav 2. i 3. Zakona o policijskim

službenicima Zeničko-dobojskog kantona (u daljem tekstu: Zakon).

**Član 7.**

Pitanja iz nadležnosti Policijskog odbora su naročito, pitanja koja se odnose na status policijskih službenika, uključujući i pitanja zapošljavanja i prestanka radnog odnosa, te odlučivanje o žalbama koje se podnose zbog nerješavanja (nedonošenja odluka) statusnih pitanja i o žalbama koje se izjave na odluke disciplinske komisije policijskog organa.

**III - SASTAV, NAČIN RADA I ODLUČIVANJE****Član 8.**

Policijski odbor se sastoji od tri člana koje je, u skladu sa odredbom člana 125. st 3. Zakona, rješenjem imenovala Vlada Zeničko-dobojskog kantona.

**Član 9.**

Policijski odbor radi u sjednicama u punom sastavu, osim izuzetno, kada se iz naročito opravdanih razloga (bolest, iznenadno odsustvo iz službenih potreba, te razlozi izuzeća u skladu sa važećim propisima), sjednica može održati ako joj prisustvuju samo dva člana.

Sjednice Policijskog odbora se održavaju po potrebi, a saziva ih i njima rukovodi predsjedavajući, ili, u njegovoj odsutnosti, iz razloga navedenih u stavu 1. ovog člana, član Policijskog odbora koji ima status policijskog službenika.

Ukoliko je član Policijskog odbora trajno sprječčen za rad, Policijski odbor može nastaviti sa radom do imenovanja novog člana na način propisan u članu 9. st. 1. ovog Poslovnika.

**Član 10.**

Odluke Policijskog odbora temelje se na Zakonu i na potpuno i pravilno utvrđenim činjenicama.

Odluke Policijskog odbora su konačne, s tim što mogu biti predmet sudskog preispitivanja u skladu sa važećim zakonima i dostavljaju se podnosiocu žalbe u roku od osam (8) dana od dana donošenja.

**Član 11.**

Policijski odbor donosi odluke većinom glasova svih članova ukoliko zasjeda u punom sastavu.

Odluke donesene na sjednici kojoj prisustvuju dva člana donose se konsenzusom.

Odluke Policijskog odbora potpisuje predsjedavajući, a ukoliko je odsutan iz razloga navedenih u stavu 1. člana 9. ovog Poslovnika odluke potpisuje član Policijskog odbora koji ima status policijskog službenika.

**Član 12.**

Na sjednici se vodi zapisnik koji potpisuje predsjedavajući i osoba koja vodi zapisnik.

**Član 13.**

Policijski odbor odluke donosi u formi rješenja ili zaključka.

**Član 14.**

O pitanjima u vezi s postupkom, a koja nisu bliže uređena ovom Poslovnikom, Policijski odbor će odlučiti u svakom konkretnom slučaju.

**Član 15.**

Izmjene i dopune ovog Poslovnika vršit će se na način po postupku koji važi za njegovo donošenje.

**IV - ZAVRŠNE ODREDBE****Član 16.**

Ovaj Poslovník stupa na snagu danom donošenja, a objavit će se u "Službenim novinama Zeničko-dobojskog kantona"

Broj: PO-1/06

Datum: 03.10.2006.godine  
Zenica

**Policijski odbor:**

Adil Žižo s.r.

**OGLASNI DIO**

OPĆINSKI SUD U KAKNJU

Broj:036-O-P-06-000036

Kakanj, 11.10.2006.godine

Općinski sud u Kakanju objavljuje sljedeći

**OGLAS**

**o ispravci oglasa objavljenog u Službenim novinama Zeničko-dobojskog kantona Zenica broj:6/2006 od 06.06.2006. godine**

U oglasu Općinskog suda u Kakanju objavljenog u Službenim novinama Zeničko-dobojskog kantona Zenica broj:6/2006 od 06.06.2006. godine, vrši se izmjena, tako da umjesto imena tuženog Kupusović Ranka, treba da stoji Kupusović Branko.

**Sudija**

*Durdica Radoš, s.r.*

OPĆINSKI SUD U TEŠNJU

Broj:P.317/02

Dana, 10.10.2006.godine

Općinski sud u Tešnju objavljuje sljedeći

**OGLAS**

**O POSTAVLJANJU PRIVREMENOG ZASTUPNIKA**

Rješenjem ovog suda P-317/06 od 10.10.2006. godine, a na osnovu odredbe člana 296. stav 1. i stav 2. tačka 4. ZPP tuženim Bukvić Muharemu sin Hamida iz Tešnja, adresa nepoznata, Bukvić Omeru sin Hamida iz Tešnja, adresa nepoznata, Bukvić Abdulahu sin Hamida iz Tešnja, adresa nepoznata, Agić Hamzi sin Huse iz Tešnja, adresa nepoznata, Erinagić Jusufu sin Mustafe iz Žepča, adresa nepoznata, Husadžić Berki kći Mustafe iz Tešnja, adresa nepoznata, Jusufbegović Džulić kći Mustafe iz

Gračanice, adresa nepoznata, postavljen je privremeni zastupnik u osobi OMERBAŠIĆ RASIMA sina Muhameda iz Jelah Polja, općina Tešanj, radi zastupanja u parnici koja se vodi radi utvrđivanja prava vlasništva pred ovim sudom pod brojem P.317/02 po tužbi Čeman Fahra sina Hasana iz Jelaha, općina Tešanj, kojeg zastupa punomoćnik Lekić Drinka, advokat iz Tešnja.

Rješenjem je određeno da će privremeni zastupnik zastupati tužene od rednog broja 1. do rednog broja 7. sve dok se imenovani tuženi ili njihovi punomoćnici ne pojave pred sudom, odnosno dok organ starateljstva ne obavijesti sud da je ovim tuženim postavio posebnog staratelja u smislu odredbe člana 297. ZPP.

**Sudija**

*Medarić Elvira, s.r.*

OPĆINSKI SUD U ŽEPČU

Broj:044-O-P-06-000 014

Datum, 12.09.2006. godine

**OGLAS**

Općinski sud u Žepču sudija Dragica Dragičević, u pravnoj stvari tužitelja Tadić Josipa sina Tadije iz Viništa, općina Žepče, protiv tužene Tadić-Bušić Jozefina iz Stuttgarta, Njemačka, radi razvoda braka, Rješenjem broj 044-O-P-06-000 014 od 17.10.2006. godine postavio je privremenog zastupnika tuženoj, a čije je boravište nepoznato i nema punomoćnika u ovoj pravnoj stvari u osobi Vidović Ilije odvjetnika iz Žepča.

Poučava se tužena da može sama preuzeti postupak ili imenovati punomoćnika.

**Sudija**

*Dragica Dragičević*